

Io. Iacob. Breitingeri, dissertatio epistolica, qua argumenta, quibus clausulae o.d. vulgo propugnari solet, modeste expenduntur

Autor(en): **Breitinger, J. Jacob**

Objekttyp: **Article**

Zeitschrift: **Museum Helveticum ad juvandas literas in publicos usus apertum**

Band (Jahr): **- (1748)**

Heft 11

PDF erstellt am: **30.04.2024**

Persistenter Link: <https://doi.org/10.5169/seals-394629>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

JO. JACOB. BREITINGERI,

Dissertatio Epistolica,

qua Argumenta,

quibus

CLAVSVLÆ O. D. AΥΘENTIA

vulgo propugnari solet,

modeste expenduntur.

Ad

Virum venerandum atque eruditissimum

JO. CASPARVM HVLDRICVM

Cœtus Turicens. qui in Templo Abba-
tissano colligitur, PASTOREM
clarissimum.

QUUM nuper in publica deliberatione Quæ-
stio forte incideret de Aυθεντίᾳ Clavulæ
Orationis Dominicæ, qualis apud S.
Matthæum Cap. VI: 13. in nostræ æta-
tis Codicibus græcis typis exscriptis passim his
conceptis verbis legitur: Ὅτι σου ἐστιν ἡ βασιλεία,
καὶ ἡ δυνάμις, καὶ ἡ δοξα εἰς τὰς ἀπωνας. Αμήν: at-
que ut fieri solet in quæstionibus, in quas quasi
aliud agendo incidimus, varia in utramque par-
tem essent iactata, quæ accuratiore indagine &
disquisitione haud indigna videbantur: Constitui
apud animum meum in hanc caussam diligentius
incumbere, atque præmissis nonnullis, quæ ad
huius

huius controversiæ historiam illustrandam facere possent , ea Argumenta , quibus vulgo huius Epi- logi , quo sacra Precum formula a dulcissimo So- tere tradita concludi solet , *Auctoritas* & divina au- toritas propugnatur , sub examen revocare atque modeste expendere : Idque eo maxime consilio , ut summorum Virorum , quorum opera Deus O. M. in emendandis Ecclesiæ nostræ Sacris uti voluit , circa hanc Quæstionem dubitationes ac dissensum a calumnia vindicarem , simulque pa- tefacerem , eam persuasionem , quæ deinceps apud nos invaluit , non iis rationibus niti atque confirmari , quæ omni exceptione maiores sint , neque nullam amplius dubitationem relinquant . Hanc autem Disquisitionem , si recte Te novi , VIR VENERANDE atque AMICISSIME , præ- claro Nomi ni Tuo a me inscribi , non indigne seres ; neque enim aspernari poterit Tua Humanitas istud pietatis officium , quo meum erga Te studium , & quantum Eruditioni ac Judicio Tuο tribuam , publice declarare volui : Immo vero etiam Judicium Tuum de hac cauſſa expetere au- deo ; quod dum facio , velim Tibi persuadeas , quoniam nihil mihi prius aut antiquius est quam ſolida veritatis cognitio , Te non posſe ullum mi- hi gratius præſtare officium , quam ſi me non malo animo errantem placide in viam reducas , vel etiam ipſius cauſſæ , quam impugnare ac labe- facere ſuſtineo , patrocinium in Te ſuscipias : Do- leo enim hanc cauſſam non firmioribus hactenus præſidiis fuisse communitam.

Notum eſt ERASMUM Roterod. in typis exſcriben- do N. T. græci Codice inter primos defudasse : qui-

bus præsidiis instructus tantum opus fuerit aggressus , qua fide ac diligentia in eo versatus sit , ipse in *Apologia lectu dignissima* his profitetur verbis : *Restituimus , quæ temporum ac librariorum vitio fuerant depravata , idque fecimus , neque levi quod dici solet brachio , neque temere ; sed primum ex Canonum consilio , ad Græcæ originis fidem , examinatis exemplaribus latinis , neque tamen fidentes paucis , aut quibuslibet Laurentius Valla VII. bonæ fidei Codices se secutum fuisse testatur . Nos in prima recognitione IV. Græcis adiuti sumus , in posteriore V. Deinde consultis tum peruetustis tum emendatis aliquot Latinæ Linguæ voluminibus : Nec hoc contenti , discussis & exploratis probatissimis Autoribus , non oscitanter observavimus , quid citarint , quid legerint , quid emendarint , quid interpretentur . Atque hisce rebus omnibus qua licuit vigilantia , certe summa fide , collatis ac pensitatis , quod optimum iudicavimus , secuti sumus : Et hac lege in medium contulimus , ut nihil secius suo quisque iudicio frueretur . Hinc a Joanne OECOLAMPADIO , qui sociam ipsi operam in castigandis primæ editionis Anni MDXVI. formulis præstítit , hanc laudem meruit , quam publico testimonio consignatam ad calcem illius Libri adiectam legimus : Ego vero , cui hac hieme alioquin Theologiæ apud Basilienses vacaturo felicissima magni ERASMI consuetudo contigit , non possum non testari infatigabilem hominis strenuitatem , vix credendam in tractando fidem . - - Admirabile enim spectaculum mihi erat - - dictantem recognoscentemque , quantum tria præla exciperent , videre , ac nihil secius interim Græca Latinaque exemplaria , eaque varia & vetustissima consulentem , Græcos Latinosque Interpretes conferentem , priscos ac recentiores primæ simul ac insimæ classis Scriptores perpendentem . Hinc est , quod non sensa modo*

modo aperuerit, . . . sed nec verbula minima articulosque ipsos & apiculos minutissimos præterierit. Et mirum profecto, neque multum a manifesta contradictione abest, hanc Erasmi græcam Editionem posterioribus curis castigatam per duo fere Secula pro unica genuini Textus norma, non sine Superstitione & contra Erasmi consilium, suis habitatam; neque tamen interea ullum vel infimi sub-selli hominem extitisse, qui non putarit in interpretandis Sacris Libris pro concione populi sibi quoties libitum fuerit impune licere huius Editionis fidem & auctoritatem convellere. Præferunt quidem Græcæ Erasmi Editiones Clausulam Orationi Dominicæ adiectam; sed tanquam additamentum aliquod, quod Græcis librariis esset trans-scribendum: Ita enim in Apologia sua diserte ERASMUS: *Comperio quedam apud illos (Græcos) addita ex more solenni, veluti Coronidem illam sic additam precationi dominicæ, quemadmodum apud nos in calce Psalmorum adiicitur: Gloria Patri.* Ea non resciuimus a contextu, sed tamen in Commentariolis admonemus addita. Nam is error minus habet periculi, cum quod frequenter comperio factum, ex aliis locis adscribit Lector, quod in simili sententia deerat alibi. Habes rationem cur non e textu eliminatam voluerit hanc περιχών: Accipe ex eius Annotationibus, quare ab hominibus Orationi Dominicæ additam eandem censeat: *Hanc Coronidem in omnibus Græcorum exemplaribus adiectam comperio.* Verum quando nec in ulla Latinorum exemplaribus adscriptum visitur, nec exponitur ab HiERONIMO, aut ullo prorsus Interpretum, præter CHYSOSTOMUM & hujus abbreviatorem recentem THEOPHYLACTUM, appareat ex solenni consuetudine sic additum, ut angelicæ Salutis

zioni quædam adiecerunt , nec ab Angelo dicta , nec a quopiam alio. Consimili studio adiectum est in fine Psalmorum , Gloria Patri. Proinde non est cur LAURENTIUS VALLA stomachetur bonam precationis dominicæ partem fuisse decurtatam. Magis taxanda fuerat illorum temeritas , qui non veriti sunt , tam divinæ Prectioni suas nugas assuere : Nugas enim iure dixerim ad divinam Doctrinam , quicquid ab hominibus profectum fuerit ; præsertim , si quod ab hominibus annexum sit , ad Christum Autorem conferatur. Quod si quis contendat , hoc ab ipso Christo fuisse additum , necesse est , ut fateatur , omnes nostros , ac totam Romanam Ecclesiam hactenus fugisse bonam partem dominicæ Prectionis : ac ne Africanam quidem recte legisse. Nam CYPRIANUS enarrans peculiari libello locum hunc Evangelii , ne verbo quidem agnoscit hanc Coronidem. Porro qui ideo putant ab Evangelista fuisse additam , quod CHRYSOSTOMUS interpretetur , levi mituntur arguento. Siquidem interpretatur ille , quod solennis usus Ecclesiæ Græcanicæ quotidie sonabat : perinde quasi quis enarrans Psalmos , interpretaretur solennem illam Coronidem : Gloria Patri & Filio &c. Nec mirum si hoc dignatus est facere Chrysostomus , cum in Homiliis diligenter exponat Hymnum , quo monachi quidam soliti sunt consecrare corvivium suum. In aurea Catena hoc modo citatur Chrysostomus : Quia vero solicitos nos fecerat inimici memoria , in hoc quod dixerat , libera nos a malo , rursus audaciam præbet per hoc , quod in quibusdam librīs subditur , quia tuum est regnum &c. quod unde sumtum sit nescio : nam hæc verba non reperiuntur in Chrysostomi commentariis. Qui contendunt hanc Coronidem adscriptam fuisse ab Evangelista , iidemque confirmant , hanc editionem aut esse Hieronymi , aut certe ab illo castigatam ; velim ut explicit

plicent nobis, cur ille tantam Sacræ Precationis partem ausus sit omittere, qui ne in commentariis quidem ullam huius fecerit mentionem. Hæc quum sint dilucidiora, quam ut argumentis egeant, tamen non defuerint, qui mihi ex hoc quoque loco gravem struerent calumniam. Ex quo loco clarum esse arbitror, Erasmus nonnisi re probe expensa & gravissimis rationibus inductum de huius Clausulæ aut Coronidis in hoc Matthæi loco *authentia* & divina origine dubitasse, eamque suspectam habuisse: Postquam enim animadverterat, a nullo veterum Interpretum, ne quidem ab iis, qui Orationem dominicam dedita opera enarrant, hanc περιοχὴν agnoscí, neque a Latinis exemplaribus præferri, neque ab Ecclesia Latina vel Africana unquam pro genuina fuisse habitam, neque in antiquis illis Commentariis, quos ORIGENES & HIERONYMUS adhibito iudicio critico publicarunt, unquam extitisse; præterea autem intelligeret Græcos illos Codices, quibus ipse, VALLA, ac pauci alii hactenus fuerant usi, neutiquam eius ætatis esse, ut hunc antiquitatis consensum possent convellere; non temere aut præter rationem statuisse videtur, hanc Coronidem sequiori demum ætate ex solenni Ecclesiæ usu, in Græcis Matthæi Libris ac Codicibus Orationi Dominicæ fuisse adscriptam: in quo iudicio suo hunc Criticorum Canonem secutus est, quem Clariss. WITHBYUS V. L. p. 28. his verbis effert: „ Lectiones Varias, antea MSS. desumptas, quas nec antiqui Patres, nec Græci Commentatores, nec Versiones vetustissimæ agnoverunt, iure optimo reicias esse nemo inficiabitur. „ Et quanquam non defuerint, qui Erasmi hoc iudicium invidiosum

sis criminacionibus invisum reddere omnibus modis sunt conati , de quibus in Capit. Argum. contra morosos quosdam ac indoctos ipse graviter ita conqueritur : Sed audio quosdam ita loqui : Rem amplectimur , sed offendiculum datur multitudini , si senserit in libris , (in formulis) quos hactenus secuti sumus , inesse quicquam vel vitiatum , vel non intellectum . Primum non ista scribuntur multitudini , sed eruditis & præcipue Theologiae candidatis : Hos offendri non oportet : Neque nos correctionem appellamus laborem nostrum , sed annotationes . Neque cuiquam molesti sumus aliter citanti , & veterem , aut etiam depravatam Editionem sequenti . Ab ipsis potius nascitur offendiculum , qui in publicis concionibus , qui in computationibus , qui in vehiculis ac navibus apud idiotas ac mulierculas vociferantur esse , qui sacros libros & PRECATIONEM DOMINICAM EMENDET . Misera vero conditio sacrorum voluminum , si horum autoritas pendet ab indoctis , ut fere sunt , librariis , aut temulentis typographis . Nihilominus tamen non defuerunt Viri eruditionis ac sapientiae laude clarissimi , qui rationum pondere commoti hoc ERASMI de O. D. Clausula iudicium suo calculo comprobarunt : Et ut de nostris tantum loquar , ipse B. HVLDR. ZVINGLIVS in Annotationibus ad Matthæi Evangelium , quas ex ore eius excerptas LEO JUDÆ edidit , ubi diligenter enarrat Orationem Dominicam , hanc Clausulam penitus omittit : idque non temere , sed certo consilio factum esse , quod hanc Clausulam a Domino non esse profectam persuasum haberet , inde manifestum est , quoniam translatio Tigurina Germanica , cuius Textum in publicis ad populum Sermonibus , (• quibus istæ annotationes maximam partem sunt excerptæ ,) secutus est ,

hanc

hanc Coronidem non agnoscat. In omnibus enim editionibus Bibliorum vernaculis, quæ Tiguri ab anno MDXXIIII usque ad annum MDXXXI curatæ & typis exscriptæ sunt, hæc Clausula desideratur, atque O. D. ita concluditur: *Sondern erlöß uns von dem Uebel. Amen.* Ita reperias in editionibus, quæ ex officina (*) Chri. Stophori Froschoueri hoc temporis spatio prodierunt, v. c. anno MDXXIIII in fol. Eiusdem anni in forma quam vocant duodecima characteribus latinis: Anno MDXXVIII eadem forma: Anno MDXXX. in 8vo characteribus latinis. Sic etiam in iis exemplaribus, quæ an. MDXXIIII in 8vo apud Joh. Hager typis exscripta sunt. Accedit, quod etiam in utroque (**) Catechismo a LEO.

NE

(*) Post annum MDXXX omnes editiones Froschouerianæ vernaculæ, toties repetitæ, hanc Clausulam præferunt: quemadmodum etiam in latinis Bibliorum editionibus ex versione Tigurina, quæ in N. T. Erasmus fere expressit. Clausula hæc quoque addita legitur: Quod sine dubio etiam in vernaculis editionibus, Erasmi exemplo, factum est, qui quamvis illam suspectam habuit, eam tamen ex editionibus suis noluit expunctam: ne itaque Erasmo audacieores videri possint, desideratam hactenus hanc Clausulam post annum MDXXX rursus in textum receperunt. Incidi tamen in editionem N. T. forma 12ma, quæ apud RODOLFUM WOLFIUM anno MDCXIII impressa est, in qua Matth. VI: 13. ita legitur: *Sonder erlöß uns von dem bösen. Amen.* Ex præfatione autem cognoscitur, quod Clausula omis- sa sit, quia Froschouerianam editionem de anno MDXXVIII narrat pôda exprimit.

(**) Titulus Catechismi ita habet: *Catechismus christl. Klare und einfalte ynleitung in den Willen vnd in die Gnad Gottes, darinn nit nu die Jugedt, sunder auch die Eltern underricht, wie sy ire Kind in den Gebotten*

NE JUDÆ conscripto, & cum BULLINGERI præfatione anno MDXXXIII. publicato hæc clausula cum in ipsa precum formula, tum etiam in eius enarratione fuerit prætermissa. Diserte vero magnus BVLLINGERVS hanc Clausulam tanquam assumentum humanum repudiat, primum in *Commentariis in Matth.* anno MDXLII editis, ubi postquam pluribus enarrasset Orationem Domini, hæc tandem p. 68. b. subdit: *Adiicitur sub finem Orationis dominicæ ante voculam Amen a quibusdam: Quia tuum est regnum & potestas & gloria in sæcula.* At ERASMUS testatur illa verba non reperiri in ullo vetusto exemplari Latino, in Græcis quidem exemplaribus omnibus videri adiecta, sed a nemine nisi uno CHRYSOSTOMO & ejus imitatore THEOPHYLACTO exponi: itaque videri sibi Orationi dom. adiecta, quemadmodum Psalmis quidam subiungunt: Gloria Patri & Filio. &c. Addit idem ille: *Proinde non est, cur L. VALLA stomachetur, bonam precationis dom. partem fuisse decurtatam: magis taxanda fuerat illorum temeritas, qui non veriti sint tam divinæ precationi suas nugas assuere: Nugas enim iure dixerim ad divinam doctrinam quicquid ab hominibus profectum fuerit: præsertim si quod ab hominibus annexum sit, ad Christum Autorem conferatur.* Ad eundem fere modum additis novis quibusdam argumentis in *Sermonum Decadibus Decad.* V. Serm. V. Tom. III. p. m. 320. qui An. MDLI editus est. Et quum deinceps hæ Sermonum Decades An. MDLVIII.

Gottes, in christlichem Glouben, und rächtem Gebätt vnderwysen mögind. Geschriben durch Leonem Jude, Diener des Wortes der Kilchen Zürich. in 840 Vide ibi pag. LXXXIII, & pag. XCIII, & XCIII.

MDLVIII. a Joanne HALLERO, Theologo Bernensi, tanquam communis quædam forma sanioris Doctrinæ ab Helveticis Ecclesiis post Sacrorum emendationem receptæ in promiscuum christianæ plebis usum sub titulo Bullingers Hauffbuch vernaculo Sermoni essent redditæ, hæc ipsa disputatio de Orationis Dominicæ Clausula, tanquam plebis cognitioni & eruditioni non subtrahenda, in omnes istius Libri editiones est transfusa: Dabo ipsa eius verba ex Halleri interpretatione: Es sezen aber etliche vor dem Wort Amen gleich nach denen Worten, Sondern erlöß uns vom Bösen / diese Worte hinzu: Dann dein ist das Reich / und die Kraft / und die Herrlichkeit / in Ewigkeit. Es bezeuget aber Erasmus von Rotterdam in seinen Annotationibus über das N. T. daß diese Worte in keinem alten latinischen Exemplar gefunden werden. In dem griechischen werde es wohl allenthalben hinzugesetzt, aber von keinem der über das N. T. geschrieben, ausgelegt, ohn allein von Chrysostomo und seinem Nachfolger Theophylacto. Darum bedanke ihn, es seyen diese Worte zum Vater unser hinzugehan, wie von etlichen den Psalmen angehängt sind diese Worte: Ehre sey dem Vater und dem Sohn. ic. Er setzt auch weiter also: Darum darf Laur. Balla eben nicht so sehr zürnen und sagen, daß ein guter Theil des Vater unsers abgehauen seye. Es ist vielmehr derjenigen Vermessenheit zu schelten, die sich nicht gescheuet haben, diesem so göttlichen Gebett ihre Stempaney anzuslicken: Denn das nenne ich Stempaneyen gegen der Lehre Gottes zu rechnen, was von Menschen kommt, besonders wenn man das Christo als einem Ansänger zuschreibt,

das

das aber von Menschen kommt. Es zweifelt aber nicht allein Erasmus an diesem angehängten Stük: Sondern auch das Hispanische Exemplar, so man Complutense nennet, meldet, daß es gläublicher seye, diese Worte gehören nicht zum Vater unser / und seyen durch Fürwiz etlicher Buch-Schreiber und Abschreiber hinzugeethan. Es wird ferner in jezzgedachtem Exemplar gleich dieses hinzugesetzt: Wiewohl aber der H. Chrysostomus in seinem Comment. über den Matth. Homel. 20. diese Worte auslegt, als gebörten sie zum Text; so wird doch gläublicher geachtet, daß schon zu seiner Zeit die wahren ursprünglichen Exemplar an diesem Ort seyen gefälscht worden, dieweil man nicht liest, daß vor der Zeit irgend einer aus den Latinischen, auch der allerältesten, dieser Worte gedacht habe. Und das ist auch die Wahrheit: Dann die fleissigen Ausleger, auch die ihnen sonderlich das Vater unser von Wort zu Wort ausszulegen fürgenommen haben, als da gewesen sind, Cyprianus, Hieronymus, und Augustinus, haben dieses angehängten Stüks nicht mit einem Wort gedacht. Quid itaque mirum, BULLINGERUM in *Catechesi pro adultioribus* An. MDLIX. mandantibus Ministris Ecclesiae Tigurinæ, ad utilitatem iuventutis vel Scholæ Tigurinæ, conscripta, in enarratione Orationis Dominicæ hanç Clausulam, tanquam præter rationem ipsi adiecitam, alto silentio præterire? Quod dein etiam in translatione huius libelli vernacula, quæ An. MDXCVII. a Jo. Wolfio novæ suæ Editioni des Bullingerschen Hausbuchs subiuncta fuit, religiose servatum & observatum est. Quid mirum eundem BULLINGERUM in *Compendio Christianæ Religionis*

ligionis An. MDLVI. germanice edito, Lib. VII.
 Cap. X. & a formula Orationis, quemadmodum
 a Christo fuerit prolata, & ab explicatione sub-
 iuncta hanc Clausulam omnino voluisse exclusam.
 Habuisse vero Bullingerum in hac causa Fratres su-
 os sibi suffragantes & δύο φίλους, vel ex eo mani-
 festum est, quod hos ipsos libros, in quibus
 hanc disputationem diligentius instituit, & Clau-
 sulam illam tanquam humanum commentum pro-
 scribit, partim iis mandantibus, in publicum
 Scholarum & promiscuae plebis usum conscripsit:
 Hoc enim in solenni Precum formula, quotidiana
 & publico & privato usu tantopere frequenta-
 ta, nisi iis probantibus & calculum suum adiici-
 entibus, ipsis nunquam tentare licuisset. At ne-
 que desunt aperta huius rei testimonia: Fidem fa-
 ciat CONR. PELLICANVS in *Comment. in Matth.*
 An. MDXXXVII. edito, p. 67. ubi haec legun-
 tur: *Hanc Coronidem apud Græcos appositam, Lati-*
nis ignotam, apparet ex solenni consuetudine sic additam,
ut Angelicæ Saluationi quædam adiecerunt, nec ab An-
gelo dicta, nec a quopiam alio, utpote apud Græcos:
Quia peperisti Servatorem animarum nostrarum.
Sic Psalmis adiectum: Gloria Patri & Filio. &c.
Quod si quis contendat a Christo adiectam, necesse est
fateatur; omnes nostros, & Romanam Ecclesiam &
Africanam non recte legisse Quando ne Cyprianus
quidem vel verbo eam agnoscit: & Hieronymus quo-
que nullam eius in Commentariis mentionem facit. Huc
in primis etiam facit, quod in AGENDIS EC-
CLESIASTICIS, sub titulo Christliche Ordnung
und Brück der Kirchen Zürich, de annis MDXXXV:
MDLXIII: MDLXXXI: MDCXII: () quoties-*

Tom. III.

B b

cun-

(*) Primum occurrit haec Clausula Q. D. in formula gra-

cunque O. D. formula diserte exponitur, illa, omis-
sa Clausula, constanter in his verbis finitur: **Son-**
der erlög uns von dem Bösen. Amen. Atqui cum
hæc constans fuerit principum Ecclesiæ nostræ Do-
ctorum persuasio, gravissimis rationibus nullo
modo destituta; iure merito quæsiveris, qui ergo
factum fuerit, ut deinceps hæc O. D. Clausula ci-
tra ullam dubitationem & in N. T. Codices verna-
culos, & in Libellos Catecheticos atque Liturgi-
cos fuerit postliminio recepta, & ab Interpreti-
bus ac Oratoribus publicis, tanquam pars Ora-
tionis Dominicæ, ab ipso Domino tradita, pro
concione exposita ac venditata: vix enim credi-
bile esse, hoc citra novum & accuratum huius
Quæstionis examen, quo argumenta huic Clausu-
læ fidem abrogantia, ab *Erasto* primum, mox
etiam a *Bullingero* prolata, diligenter fuerint dis-
cussa & folijs leviora inventa, novaque ac firmio-
ra pro eius divina auctoritate præsidia excitata;
aut etiam citra publicum Ecclesiæ judicium, fa-
ctum esse aut fieri potuisse? At mihi quidem ni-
hil eius quicquam, neque de suscepto a quoquam
accurato examine, neque de judicio Ecclesiæ pu-
blico constat; & gratissimum revera is mihi præ-
staret officium, qui tale quid a nostris aut tenta-
tum unquam, aut confectum esse, antequam hæc
de

tiarum actionis, qua utuntur post deductum aliquod
funus; quæ Agendis ecclesiasticis demum circa finem
Seculi XVI accessit: Atque admodum probabile est,
nonnisi post annum MDCXX hanc Clausulam in Li-
turgias publicas fuisse receptam; Ita in Agendis de
an. MDCXXXIX undecim vicibus diserte ac plene
legitur O. D. formula, subiuncta semper Clausula:
quæ in superioribus editionibus desideratur,

de Coronidis huius apud Matthæum divina autoritate persuasio usu inter nos invalesceret , edocere posset . Quoad autem hoc desiderabitur , non aliam eius facti rationem invenire possum , quam quæ ab ERASMO in Capit. Argum. contra morosos quosdam ac indoctos §. 36. his verbis explicatur : Neque quicquid receptum est in usum ecclesiasticum , continuo receptum est iudicio . Quædam casu irrepunt , ad quæ connivet Ecclesia ; præsertim si non videantur ad fidei morumque periculum pertinere . Immo fieri potest , ut in hoc genere quædam ad tempus ignoret Ecclesia .

Postquam vero dudum iam hæc persuasio de Clausula , tanquam O. D. parte necessaria , ab ipso Christo tradita , inter nos usu fuerat confirmata ; plurimi quidem extiterunt , qui eam rationibus asserere sunt aggressi , qui quoniam adversus Pontificios hanc caussam agere videri volebant , plura sibi aliquando licere existimabant . Ex nostris , qui in publica ad plebem christianam Institutione huius caussæ patrocinium suscepit , atque argumentis a Clariss. WITSIO subministratis potissimum usus est , fuit quondam Vir Clarissimus & de cœlesti Doctrina meritissimus J. J. HULD-RICUS , Ethices & J. N. Prof. & in Orphanotroph. Pastor primarius : Hic in Sermonibus S. quibus Dominicam Orationem non perfunctorie pertractavit , quosque An. MDCCXII. sub titulo das geistliche Reuchwerk publicæ luci exposuit , antequam ad Clausulæ illius tractationem accederet , dedita opera in hanc caussam incubuit , atque IV. præcipue argumentis docere instituit , hanc O. D. Coronidem , uti apud Matthæum extat , ipso Domini ac Soteris nostri ore prolatam divinæ ac

Sacræ autoritatis esse. Liceat autem iam nobis hæc ipsa argumenta , quæ vulgo pro Coronide illa adduci solent , sub examen revocare , ut intelligamus , quantum ipsis in hac caufsa tribuendum sit. Prius vero quam ad ipsum examen accedo , operæ pretium erit nonnulla de statu , natura ac momento huius Quæstionis præmonere. Nimirum , si quid intelligo , omnis Quæstio huc redit : Utrum Clausula illa , quæ apud Matthæum Cap. VI: 13. Orationi Dominicæ in nostris Codicibus , græcis perinde ac e græco conversis , hodie passim subiecta legitur , ab ipso Domino ac Sotere nostro , tanquam pars necessaria , quæ ad integratem illius formulæ pertineret , fuerit addita , atque proin a Matthæo ipso calamo excepta & scripto tradita ? An vero hæc Clausula , quæ apud solum Matthæum sacram hanc Precum formulam , ab ipso Domino traditam , concludit , sit ὑποθετιματικα , a Librariis demum ex solenni Ecclesiæ usu , quo cum ipsa Precum formula in unam quasi Orationem coaluit , Matthæi Evangelio adscripta atque inserta , ita ut neque a Christo Domino , neque a Matthæo profecta censenda sit ? Neutiquam ergo vel veritas huius Δοξολογίας aut Αἵτιολογίας , quam isthæc Clausula complectitur , vel usus ac cum reliqua Doctrina ἀναλογία in disceptationem venit : Quanquam enim BULLINGERUS , præeunte ERASMO , minus digne de huius Clausulæ argumento sensisse videri possit , quum non dubitavit dura in speciem verba repetere , ac tantum non sua facere , quibus Erasmus in temeritatem eorum invehitur , qui non veriti sint tam divinæ Precationi suas NUGAS assuere : sit tamen eius Sententiam perpendens eum longe aliud

aliud significasse deprehendet, quam durior verborum sonus prima fronte præ se ferre videtur: Clarum enim est ex subiuncta epexegesi illum NV-GARVM appellatione neutiquam respexit ad argumenti rationem aut dignitatem; sed ipsum promiscue omnia ab hominibus profecta & ad Christum Autorem temere translata, cuiuscunque ea generis aut argumenti fuerint, *Nugarum* nomine censere, ut ita horum hominum, qui sua qualia cunque audent Christo transcribere, temeritatem notaret, suamque adversus divinam auctoritatem reverentiam significanter declararet: Qualem animi pium affectum V. Cl. *BENGELIUS* in sua de hac O. D. Clausula Disquisitione his verbis expressit: *Sane qui Verbum Dei reveretur, mundum mereri nolet, ut talem periocham, contra atque penes conscientiam res fert, vel demat vel addat.* Verum Quæstio de origine huius περιοχῆς apud Matthæum mere critica, & proinde eius generis est, quæ nonnisi historicis argumentis aut confirmari aut refelli possit. Quapropter illa non a quibusvis promiscue, qui Theologiæ aliquod Systema explicare didicerunt, multo minus in concione plebis, quæ huius generis demonstrationes capere non potest, in disceptationem vocanda; sed iis in solidum relinquenda est, qui veterum monumentorum, ac MSS. Librorum usu, nec non Artis Criticæ cognitione exercitatum probe & subactum ingenium habent: quo in genere *ERASMVS Rotterdamus* ita excelluit, ut sua ætate non haberet, qui cum ipso comparari potuisset. Quod si iam ad examinandum ipsa argumenta accedamus, quibus vulgo *Averriæ* Clausulæ O. D. propugnari solet, primum se nobis offerunt eius generis, quæ

ad statum Quæstionis , prout supra a nobis defini-
nitus est , nullo modo pertinent . Primum ita ha-
bet : Dieser Beschlus ist ohne Widerred herrlich
und beweglich : Er ist voller Kraft und voller Weis-
heit , voll Geist und voll Lebens . Er hältet in
sich die überzeugendesten Ursachen , warum man
sein Gebett zu Gott dem himmlischen Vater ver-
richten , und sein Herz vor Ihm ausschütten soll .
Es sind darinnen überdas enthalten die vorbündigste
Beweggründe , wie Gott den himmlischen Vater
zur Erhörung unsers Gebetts zu vermögen , so
uns selber und unsren schwachen Glauben in der
Hoffnung derselbigen zu stärken . Keine andere als
die höchste himmlische Weisheit hat ihn darum er-
sinnet : Kein anderer als der vollkommenste Bett-
Meister Jesus diesem Gebett einverleibet . Ad
eundem fere modum CALVINUS in Harm. Evang.
ad hanc pericopam p. m. 155. *Mirum est hanc*
precationis Clausulam , quæ tam apte quadrat , a Latini-
nis fuisse omissam . neque enim ideo solum addita est , ut
corda nostra ad expetendam Dei gloriam accendat , &
admoneat quisnam esse debeat votorum nostrorum sco-
pus : Sed etiam ut doceat , preces nostras , quæ hic no-
bis dictatae sunt , non alibi quam in Deo solo fundatas
esse , ne propriis meritis nitamur . At vero hoc ge-
nus argumentationis Clausulæ illius auctoritatæ non
probat , sed præsupponit , etenim sententiam
eius & fines , qui cum reliqua prectionis formu-
la apte cohæreant , neque Deo sint indigni , pan-
dit ac deprædicat ; non autem ostendit , hanc
Clausulam eiusmodi veritates ambitu suo com-
plecti , quæ non potuerint a Christiano homine
proficiisci & huic Precum formulæ adiungi . At-
que mihi omnino persuasum est , si placuisset his
patro-

patronis eam Sententiam amplecti , quæ hanc Clausulam pro humano assumpto reputat , illos in excogitandis caussis ac rationibus , ob quas cum reliquo precationis systemate non satis apte conexa sit , non minus futuros fuisse ingeniosos & facundos : Admodum tunc proclive fuisse in hanc sere Sententiam differere : Evidem iam in ipsa præfatione Orationis Dominicæ , qua Deum ut Patrem , & quidem ut Patrem cœlestem , cuius imperio omnia subsint , alloqui confidenter iubemur , paternus eius erga nos amor & infinita potentia , tanquam plenæ & solidæ fiduciæ fulcra & incitamenta , mentibus nostris inseruntur , & iam satis uberem fiduciæ materiam nobis suppeditant : Quid quod etiam Gloriæ eius ac Regni amplitudo ita commendatur ac celebratur in prioribus petitionibus , ut plane otiosa videri possit & supervacanea illa per supposititiam clausulam repetitio . &c. Contra quum semel ut certum assumitur , hanc Clausulam ab ipso Domino traditam esse , tunc dubium nullum supereft , quin ob sapientissimas rationes fuerit a Domino adiecta , quas dein etiam hominum sagacitas recte & investigare & explicare possit. Præterea & absonta prorsus est isthæc argumentandi ratio : Evidem si ostendi posset , Clausulam illam , quæ ab ipso Domino tradita esse venditatur , ea continere , quæ cum reliqua oratione , cuius clausulam constituit , nullo modo quadrare , aut Deo indigna , aut Analogiae fidei non consentanea videri possint ; tum per se pateret , frustra illam divinæ originis censeri : Sed non statim in contrarium , si quid Deo non indignum , nec a reliqua doctrina penitus ab ludens ; quin potius cum præsentissimo hominum

commodo coniunctum deprehenditur, inferre licet, ergo hoc ab immediata divina revelatione esse arcessendum & in Textu sacro pro γνωσίᾳ ac indubitate genuino agnoscendum: Quis enim in discernendis Librorum sacrorum veris ac genuinis Lectionibus hunc Canonem admitteret: Quæcunque Lectio, quæcunque pericopa, quamvis additamenti nomine suspecta, nihil continet, quod non aut Deo indignum aut Doctrinæ fidei contrarium sit, aut quod cum reliqua orationis serie non possit consistere, illa pro genuina ac legitima est agnoscenda. Adhæc si valeret ista argumentatio, qua usus & necessitas huius Clausulæ supra modum extollitur, ut vix possit quisquam sine scelere de suppositione vel additamento cogitare, profecto non intelligo qui possint, quotquot hac persuasione sunt imbuti, concedere, eam a S. Luca sine piaculo potuisse ommitti. Denique ista argumentandi ratio adversus *Erasmum*, *Bullingerum*, ceteros, qui hanc Clausulam lapsu temporis a Librariis ex solenni usu Ecclesiæ apud Matthæum suisse additam autumant, prorsus nullam vim habet: nihil enim eos impedit, quomodo æque pie de huius Clausulæ sententia & arguento sentiant, quanquam illam in Matthæi Codicibus pro supposititia habeant: Faciles enim ac libenter concedent, si quidem invicte demonstrari possit, hanc Clausulam necessariam O. D. partem constituere atque ab ipso Domino esse traditam, cuncta hæc præconia, quæ large in illam congeruntur, in illam omnino quam maxime convenire.

Hæc de primo Argumento: Alterum ita habet: **Dieser Beschluss ist selbst in den Schriften des**

des U. T. und in den Gebettern der Gläubigen selbiger Zeiten aufs festeste gegründet: als vornehmlich in dem Gebett und der Lobpreisung Davids 1. Chron. XXIX: 10, 11, 12. Und darum zweifeln wir keineswegs, der Herr und Sohn Davids Jesus habe selbigen auch aus diesen Worten entlehnet. Eodem plane argumento utitur S. GLASSIUS Philol. S. p. 209. seq. Scripturæ conformitatem fideique analogiam quod adtinet, satius certe est, addi δοξολογίαν illam, quam omitti: Est enim conformis tum locis Scripturæ aliis, & cum primis gratiarum actioni a Davide prolatæ 1. Paralip. XXIX: 11. ex qua desumfisse Christus Clausulam illam δοξολογίαν omnino videtur. Paulus 2. Tim. IV: 18. reddens ultimam petitionem de liberatione ab omni malo, coronida εὐχαριστίαν addit hanc: Cui gloria in secula seculorum. Amen. Quibus Clariss. WITSIUS, ut arguento novum aliquod robur conciliet, hæc præterea subiicit: Accedit, quod discipuli Christi, in quibus Magistri agebat Spiritus, partes saltem aliquas eiusdem Doxologie divinis suis scriptis immiscuerint. Paulum certe hoc facilitasse comperimus. 1. Tim. I: 17. iterumque Cap. VI: 16. Idem Judas imitatus est Epistola sua commate ultimo. Quum ergo consimiles Doxologias & alibi legamus, unde sua desumere amavit Dominus, & apud eos, qui sua a Domino mutuati sunt; quidni agnosceremus ea verba a Domino profecta esse, quæ Domino dignissima esse diffiteri non possumus. Eiusdem fere commatis est cum superiore hæc argumentatio, quæ hoc redit: In aliis quoque S. Scripturæ locis, itidemque in fidelium precibus simili fere modo gloria divini nominis, summæque Numinis perfectiones celebrantur: Ergo hæc Clausula Orationi Dominicæ apud Matthæum subiecta, quæ

v. 25.

Aetiologiæ potius, quam Doxologiæ rationem habere censenda est, non fuit ab alio, quam ab ipso Christo Domino addita. Evidet si de eo iam constaret, quod est ipsum τὸ μέγα λίαν γιτάμενον, Christum ipsum hanc Clausulam, quæ apud Matthæum Orationi D. adiecta legitur, dictasse, tum vero nonnisi levissimam probabilitatis speciem haberet, eundem simplicissimam hanc sive Doxologiæ, sive Aetiologiæ formulam aliunde fuisse mutuatum: tantum abest ut ex levi hac suspicione quicquam circa Autorem, vel originem huius περιοχῆς, confici possit: antequam enim de facto constet, frustra eius comparatio cum aliis instituitur. Immo vero cuivis sine longa & operosa probatione aut exemplorum inductione per se patet, Sanctis omni tempore nihil fuisse solennius, quam Dei O. M. Gloriam & Potentiam dignis laudibus concelebrare: atque admodum probabile fit, simplicissimam ac brevissimam hanc laudationis formulam inter Judæos pariter ac Christianos communi usu receptam ac frequentatam fuisse: ut adeo non minus vero simile sit, eam ab homine aliquo apud Matthæum fuisse additam, quam a Christo ipso præceptam. Id autem forte rectius ex analogia fidei & e Sanctorum exemplo constituitur, veritates illas, quæ Clausula O. D. continentur, in se & abstracte spectatas, utique divinæ originis & auctoritatis esse, quod passim in Sacris Libris inculcantur ac confirmantur: at vero in loco illo Matthæi hanc formulam non esse a Librariis additam, sed ipsum Soterem Autorem agnoscere, & ab ipso Matthæo fuisse perscriptam, hoc neque ex analogia fidei, neque ex aliorum exemplis probari potest. Ceterum si tantum de
 huius

huius δοξολογίας usu in genere quæratur : Utrum illa & olim & hodie adhuc rectius cum Oratione Dominica coniungatur, an prorsus omittatur? nihil impedit, quominus & Erasmus & Bullingerus concedant, eam recte & pie & cum fructu cum Oratione Dominica in communi precum exercitio coniungi, quamvis eam non pro parte eius necessaria ab ipso Domino præcepta agnoscant.

Tertium Argumentum huiusmodi est: Es ist aus den Alterthümern der Juden zur Genüge bekannt, daß die Juden alle ihre Gebetter aus einer Tradition und Befehl ihrer Väter mit solchen Lobpreisungen des göttlichen Rahmens, und meistens mit diesen Worten: בָּרוּךְ הַשֵּׁם כִּבְרֹךְ מֶלֶכְתּו לְעוֹלָם וְעַד beschlossen haben. Wer will dann zweifeln Jesus habe eine solche Lobpreisungs-Formel an dem vollkommensten aller Gebetter auslassen wollen. At, ut verum fatear, mihi prorsus absolum videtur, velle Orationis Dominicæ perfectionem aut imperfectionem ex comparatione cum Judæorum precandi formulis æstimare; aut illi insignem aliquem defectum imputare, si non habeat disertam eamque a Judæis usurpatam δοξολογίας formulam adjunctam: quasi ullæ preces absque seria benignissimi & potentissimi Numinis celebratione a misericordis homuncionibus fundi possint. Præterea non una hæc apud Judæos precum Clausula obtinuit, quæ cum nostra hac quadantenus consonare videatur; sed & aliæ, v. c. בָּרוּךְ אֲתָה " שְׁמַע תְּפִלָּה Benedictus tu Domine, qui exaudis preces: in Brach. fol. 29. col. I. & huius generis plures: de quibus consuli possunt ritualia & libri orationum Judaicarum. Quid quod ipsa hæc formula δοξολογίας apud

apud Judæos publici tantum usus fuerat, qua populus preces a Sacerdote in Sanctuario recitatas, quamprimum aliquas finiisset, quasi per Antiphonum obsignavit, clara & coniuncta voce inclamans: *Benedictum sit nomen gloriae regni eius in æternum*: ut pluribus docet J. SAUBERTUS in *Dissert. de Precibus Hebræorum* §. 9. 10. & 11. Nunc autem non intelligo, quæ Christum ratio movere potuerit, ut formulam illam doxologicam præter morem gentis e publica Ecclesiæ Judaicæ Liturgia repetitam ad privatas preces transferret, in quibus Antiphono nullus erat locus. At vero huic argumento paululum aliter inflexo non parum tribuere videtur ὁ πάντα venerandus WERENFELSIUS, quando ad calcem *Cogitat. ad Loca N. T. p. m.* 309. ita loquitur: *Minime contemnenda argumenta sunt pro huius Clausulæ γνωσιότητι, in primis, quæ proferuntur ex Judæorum ritualibus libris, ex quibus appareat, hanc δοξολογίαν non esse inventum Græcorum.* At vero nihil cogit eos, quibus probabile fit hanc Clausulam e Græcorum Liturgia in S. Textum fuisse insertam, statuere, eam esse Græcorum inventum: Potuit hunc morem in publicis cœtibus preces publice fundenti per Antiphona respondendi Ecclesia Christiana sub ipsa sua incunabula e Synagoga accepisse; quod de altero Antiphono non obscure docet Paulus Apostolus I. Cor. XIV: 16. Ἐπεὶ ἐὰν εὐλογήσῃς τῷ πνέυματι, ὁ ἀναπληρῶν τὸν τόπον τοῦ ἴδιώτου, πῶς ἔρει τὸ ΑΜHN ἐπὶ τῇ σῇ εὐχαριστίᾳ; ἐπειδὴ τι λέγεις οὐκ οἶδε: etenim observante Cl. SAVBERTO, inter Hebræos idem obtinuit, ut indocti & idiotæ, qui nec noscent octodecim preces statas, nec Summulam earum, obligati essent saltem ingredi templum & responderem

dere ibi AMEN, uti constet ex *Massec. Brachos.* Jam vero ex hac tenus dictis satis constare arbitror, tria hæc palmaria argumenta pro Clausulæ illius *auctoritatem* in medium prolata, atque ab argumenti dignitate, & Analogia cum aliis S. Scripturæ locis, & ab exemplo Ecclesiæ Judaicæ repetita, nullam habere consequentiæ vim, atque Quæstionem nostram, prout a nobis definita est, prorsus in dubio relinquere.

Itaque quartum restat Argumentum, idque historicum & unicum, cui in hac causa locus est, & in quo tota huius Quæstionis cardo vertitur: quod vero eius generis est, ut non a quovis, qui Theologi aut Oratoris sacri nomen profitetur, possit explicari, neque etiam a quovis, quamvis fuerit clarissime explicatum, satis intelligi: Hoc vero ita habet: Wir berußen uns kecklich auf den Glauben aller, auch der ältesten griechischen Codicuum, in denen dieser Beschlusß gelesen wird. Wir berußen uns auf die auch uralte, und nach der Meinung der meisten Sprachkündigen, gerade nach den Zeiten der Apostel versetzte Syrische Uebersezung des N. T. auf andere Arabische und Orientalische Uebersezungen mehr. Wir berußen uns auf die gelehrten und in der griechischen Sprache wohlerfahnen Kirchen-Väter Chrysostomum und Theophylactum, die diesern Beschlusß in ihren Homiliis über das H. V. II. auch erklärt, hicmit in den griechischen Exemplaren ihrer Zeiten gelesen, und an der Glaubwürdigkeit desselben nicht gezweifelt haben. At vero universæ huic argumentationi nervus inciditur, si sumatur, hoc additamentum in S. Matthæi Textu omnibus græcis Codicis-

dicibus, atque etiam ipso Chrysostomo antiquius esse, quod Clariss. Bengelius in *Apparat. Crit.* ad Lect. N. T. p. 465. admodum probabile reddidit: ubi his verbis suam disquisitionem concludit: *Infra illam certe ætatem consistunt, ea monumenta, quibus nihil pro Clausula quisquam produxit remotius aut antiquius.* Alterum, quod huic argumentationi, cuius fides sola dicentis auctoritate nititur, & in qua adversa huic caussæ momenta studiose suppressimuntur, oppositum volo, est autoritas & consensus omnium, qui inde a restauratis Sacris inter Eruditos in eo Literarum genere, unde vera & genuina N. T. Lectio sua habet præsidia, quas vero maxima Theologorum turba ne primis quidem labris degustare solet, tantum non consenserunt, quique dedita opera huius caussæ momenta utrinque sine partium studio quam diligentissime expenderunt: Hi enim uno ore omnes Clausulæ huius γνωστήριον aut aperte reiiciunt, ut ERASMUS, WALTONUS, MILLIUS, GRABIUS; aut certe eam quam maxime dubiam faciunt, ut BEZA, A MASTRICHT, ALB. BENGELIUS: quorum autoritas quantum in hac causa valeat, quantumve oppositæ Sententiæ præiudicium afferat, illi optime intelligunt, qui perspectum habent, quam negligenter & perfunctorie ceteri, alias magni nominis, Theologi in hiusmodi caussæ disceptatione versari soleant, ita ut non dubitet aliquando re non satis expensa in alterutram partem pro suo arbitrio atque libidine confidenter pronuntiare, quasi res ad liquidum esset perducta & extra omnem dubitationem posita: de quibus verissime Cl. BENGELIUS in *Appar. crit.* p. 424. „ Multi haç methodo utun-

„ tur:

„ tur : Ubi tangitur lectio , quam in omnibus
 „ aut plerisque Editionibus extare aut sciunt , aut
 „ putant , primum eis iam hoc satis est , ut sta-
 „ tuant , defendendam esse Lectionem : deinde
 „ experiuntur , qua specie defendi possit. Ubi
 „ ea nonnihil præsidii habet , ita dicunt : Quia
 „ hæc lectio extat in MSS. in Versionibus , in
 „ Patribus , his & illis ; ideo defendemus eam.
 „ Nec tamen quærunt , utrum pauciores , an plu-
 „ res , deteriores an meliores , recentiores an an-
 „ tiquiores , MSS. Versiones , & Patres eam Le-
 „ ctionem habeant , quæ ipsis displicet. Con-
 „ tra , ubi lectio ipsis placita imbecillis est & me-
 „ lioribus præsidiis destituta , ita dicunt : Quan-
 „ quam ista lectio extat in MSS. in Versionibus ,
 „ in Patribus , his & illis ; tamen eam non ad-
 „ mittemus. Nec tamen æque Codices , Ver-
 „ siones , Patres pro ea Lectione , cui favent ,
 „ producunt. Itaque Versiones exoticas , Cle-
 „ mentem Alexandrinum , Origenem , Basilium ,
 „ Epiphanium , Scholiastas græcos , Augustinum
 „ item & Hieronymum , non perpensis rerum
 „ momentis , sed pro arbitrio , modo advocant ,
 „ modo explodunt , dum rem deducant , quo
 „ ipsi volunt , non quo spectat res. In Supple-
 „ mentum autem allegare solent contextum ipsum ,
 „ emphasis &c. perinde ac si altera lectio virtute
 „ sua careret ; perinde ac si contextum non le-
 „ gissent , qui eum glossis auxerunt ; perinde ac
 „ si id demum , quod textui repugnaret , ei assui-
 „ posset. „ Et profecto si hæc argumentandi ra-
 „ tio , quam in hac causa instituunt , valeret atque
 „ procederet , actum & conclamatum fere esset de
 loco i. Joh. V : 7. in quo tuendo hanc ipsam ra-
 tionem

tionem condemnare ac repudiare , & prorsus contrariam viam insistere necesse habent : Qua de re saepe laudatus Cl. BENGELIUS l. c. p. 466. ita differit : „ Nihil opus astutia , neque huius Clau-
 „ sulæ impendio alia tanquam cariora dicta sunt
 „ redimenda ; sed veritas ubique simpliciter tuen-
 „ da : At certe qui Clausulam obnixe defendunt ,
 „ videant ne locum Act. VIII : 37. ac potius di-
 „ ctum l. Joh. V : 7. amittant . Nam fere eadem
 „ monumenta , Latina , quæ duas illas Lucæ &
 „ Johannis periochas agnoscunt , Clausulam igno-
 „ rant : Græca , quæ hanc admiserunt , illas re-
 „ moverunt . Enimvero citerioribus seculis Græ-
 „ ci quidam in totas periochas vim exercuerunt :
 „ Latini , antiquam Lectionem retinuerunt . Quà-
 „ re hic quoque Latini fide maiore digni sunt.
 „ Vide Var. §. XXVII. ad l. l. Joh. V : 7. „
 Possem quidem iam in his subsistere , atque eos ,
 qui controversiæ huius momenta accuratius exami-
 nari cupiunt , ad Doctissimorum Criticorum , ma-
 xime vero ad Cl. BENGELII Disquisitionem , in
 qua utriusque partis argumenta , quæ utrinque
 momentum aliquod habent , critico iudicio tan-
 quam trutina aliqua diligenter ac docte castigat ,
 allegare ; atque ab iis iure quodam meo poscere ,
 ut prius ipsi argumenta , quæ contra huius Clau-
 sulæ fidem non parca manu , sed pleno quasi hor-
 reo a Viris in hoc litterarum genere versatissimis
 excitata sunt , infringant atque refellant : Quod
 si enim ipse nunc in hanc caussam vellem descen-
 dere atque ad vivum omnia refecare , non pos-
 sem non actum agere : Ita Clariss. BENGELIUS
 sequentes Propositiones iam assertas ac probatas
 dedit , ut mihi præ veritatis studio non liceat eam
 senten-

sententiam amplecti, quam maxime vellem. I. *Clausulam O. D. non habuit unquam Latinus Interpres, unus omnium antiquissimus: neque Tertullianus, neque certi Patres Latini, in Africa, Italia, Gallia, Hispania.* II. *Non habent, certe non habuerunt Græci Codices antiquissimi, non Patres, Interpretesque alii.* Quoad autem hæ Propositiones firmæ stabunt, periit fides argumentationi supra in contrarium aliatæ. Sed quoniam mihi forte, dum hoc ago, in manus incidit V. Cl. J. ADAMI OSIANDRI, Tubing. Prof. extraord. *Schediasma criticum, quo, ut titulus magno iatu promittit, Authentia Clausulae Orationis Dominicæ rationibus selectioribus afferitur, atque Obiectiones dissentientium speciosæ resolvuntur, atque ego hoc Schediasmate veritatis cognoscendæ studio cupide perfecto cognovi, ita male a Cl. Osiandro suam caussam agi, ut maiorem eius defendendæ voluntatem, quam facultatem, ipsi fuisse patescat: visum est strictim quædam hactenus dictis adiicere, atque ea tantum ex hoc Schediasmate sub examen revocare, quæ duabus illis Propositionibus ex Bengelio supra citatis videri possent directe adversari.* Et primum quidem §. XXII. contra consensum Codicum Latinorum excipit unicum Parisensem S. Germani Codicem, Rob. Stephano laudatum, qui Clausulam illam exhibeat; atque parum abest, quin unico huic exemplari maiorem auctoritatem tribuat, quam cæteris omnibus magno numero Codicibus, qui eandem uno convitio excludunt. Dein vero subdit: *Ad minimum scitam rationem contra Pontificios hanc Clausulam suspectam clamitantes profert JO. Gerhardus, quod scilicet in ipsum Papam sint iniurii, qui expundam cupiant hanc Clausulam, siquidem eadem extet in Versione*

Erasmi a Leone X. adprobata. Verum si meminiisse voluisset Gerhardus, tum a Papa Leone X. non tantum Erasmi Latinam interpretationem, sed ipsas quoque eius Annotationes laudari, in quibus diserte monuit, se quidem a Textu non resecuisse hanc Clausulam, quamvis eam suspectam haberet: tum vero, quod Erasmus Clausulam illam in latina sua interpretatione diverso charactere tanquam supposititiam & præter Codicium fidem additam notaverit, frigido hoc dictorio facile supersedisset, nec Osiander id tanquam scite dictum iactaret. Pergit autem ad hunc modum: *Sed enim vero fac omnes consentire, num versio fonti præiudicabit? aut num scelus affirmare, falli Latinæ Ecclesiæ vel Interpretes, vel Codicium descriptores potuisse? An maius flagitium istud affirmare, quam totam Ecclesiam græcam falsi arguere?* Consona hisce sunt illa H. Witsii: „ In latinis quidem Codicibus cibus non inveniri hanc pericopen certum est: „ Sed quæritur, quid iustius sit, an Latinos, ut „ recentiores, ad Græcos, quippe antiquiores, „ corrigi; an Græcos propter Latinos lituram „ pati. „ Mirus hic in verbis & vagis locutionibus lusus est: *Quis enim unquam versionem fonti præferre, aut totam Ecclesiam græcam fraudis arguere, aut recentiores Codices, ob hoc ipsum, antiquioribus maioris æstimate sustinuit?* Scilicet hoc agitur; quum ostendi possit, antiquissimam Latinam Interpretationem, quæ omnium Græcorum Codicum ætatem longe superat, & ad Apostolorum ætatem proxime accedit, hanc Clausulam nunquam agnovisse; annon recte inde colligi possit; Græcum illum Codicem, e quo primum Translatio facta est, & qui Apostolorum

tem-

tempora proxime attingebat, hanc περιοχὴν quoque ignorasse? Ut taceam dudum a Criticis hunc Canonem esse receptum: *Interdum Latinus Græco, interdum Græco Latinus prævalet*: quem multis confirmatum dedit Cl. BENGELIUS in *Apparat. Critic.* p. 426. seq. Non autem serio agere videtur Cl. Osiander, quando sibi persuadet, novum suæ causæ præsidium accedere, quum adiicit: *In specie vero Versio vulgata sententiae nostræ iure non officit*:
- - Licet enim eam ut antiquam in pretio habeamus, suisque dotibus instructam esse non diffiteamur, pro authenticâ tamen agnoscere & pro canonica habere eam non possumus: quam canonicae autoritatis negationem deinceps VII. argumentis ex Systemate polemico repetitis prolixe adstruit: Quasi tanto molimine opus esset; aut quasi nulla possit esset Versionis Latinæ, nisi eam pro divina & canonica habeas, auctoritas in expungenda e S. Matthæi Textu Clausula O. D. Neque quicquam proficit Cl. Osiander, quum ad elevandam aut evertendam Latinæ Versionis Italicæ veteris auctoritatem, Syriacæ N. T. Interpretationis, quæ in hodiernis Codicibus hanc Clausulam præferat, fide abutitur: Non poterit enim, quod nos in Latina Versione præstamus, fidem facere, quod iam olim Syriaca Versio Clausulam illam fuerit complexa; eam enim qualis nunc est, per interpolationes ex Græcis Codd. citeriorum Seculorum magnopere suisse deformatam extra controversiam est. Neque felicior est Cl. Osiander in oppugnando Consensu Patrum Latinorum §. XXIII. *Non miramur, inquit, quod TERTULLIANUS & CYPRIANUS Doxologiam O. D. non attigerint, cum eandem in Versione sua Latina non habuerint.* Confite-

tur ergo Tertulliani ævo hanc Clausulam pro spuria habitam in Latina Versione non comparuisse. Et mox de Hieronymo: *Verum HIERONYMI silentium expendamus necesse est.* Nusquam hic Clausulam O. D. Doxologicam addit, cum vir esset in usu Codicum Græcorum æque ac Latinorum versatissimus: gravi ergo ratione & magno Codicum consensu motus illam pro divina non habuit. Recte sane: nisi quod illud simul addendum, labi quoque potuisse Hieronymum fallique: quod non raro illi contigisse palam est. - - Quid igitur obstat, quin & errasse credamus Hieronymum, cum Doxologiam O. D. omitteret apud Matthæum? atque idem contigisse AUGUSTINO, Africanos Ecclesiae suæ Codices secuto? Eadem facilitate lapsus apparebat etiam GREGORIUS M. dum erroneam lectionem ævo suo pri- dem receptam retinuit. Eandem vero tibiam inflat, quum ad Græcos Patres progreditur §. XXV. quo- rum autoritatem sententiae, quam stabilitam vel- let, obstat intelligit: ORIGENEM quod concernit, utut diligens fuerit, non eapropter caruit nævis suis etiam cum de lectione sacri textus lis est: & vel id so- lum dubiam eius laudem facit, quod divinum Codicem variis & ridiculis explicationibus detorquet. - - Igitur non immerito Whitbius: „Origenem, inquit, in „hac re parvi facio, nempe qui hic, ut sæpe „alibi, festinans cœcutiit: Cum itaque Orige- „nes omni exceptione maior non sit, lubrico „niti fundamento existimamus argumentum ab „ipsius dissensu nobis oppositum. „ De GRE- GORIO autem NYSSENO tenendum est, quod Clau- sulam O. D. eapropter nec omiserit, nec nesciverit, quia illi nullam expositionem addidit, sed quod more Graca- rum veterum Liturgiarum una cum Doxologia Filii & Spiritus S. eam protulerit. - - Et si hæc responsio suffice-

re non videtur in ordine ad Gregorium Nyssenum, sci-
ant, velint nolint, qui autoritate huius Viri induci se
adversus nos patiuntur, quod is Origenis nimio studio
fuerit captus, unde non mirum, si eandem cum Ori-
gene tibiam hac in re inflavit, & quidem pessime. Ut
illud non urgeamus, quod credulæ nimis ac pene anili
simplicitati fuerit deditus. Hæc si valeat argumen-
tandi ratio: Hieronymus labi potuit, immo sæpe
erravit: Origenes non caruit suis nævis, neque
omni exceptione maior est: *Gregorius Nyssenus* cre-
dulus erat: Ergo lubrico nititur fundamento ar-
gumentum ab illorum dissensu petitum; prosectorum
nulla amplius erit Patrum Græcorum in afferenda
genuina N. T. Lectione auctoritas: Immo nullius
nec hominis, nec codicis, nisi qui sit ab omni
labe purus, testimonium, ne quidem in re facti,
quicquam amplius valebit; atque ita inducetur
verus Scepticismus historicus. Et quum perhibet
Osiander *Augustinum Africanos Ecclesiæ suæ Co-*
dices secutum, qui Clausulam illam non exhibue-
rint; quomodo docebit, Codices illos & Tertulli-
ani & Augustini, a Græcis illius temporis, quoad
hanc pericopam, discrepasse, atque etiam, si
vel maxime discrepaverint, Latinos, non vero
Græcos, errasse aut vim aliquam fuisse passos.
Maxime vero suam incuriam prodit Osiander
§. XX. cum ad obiectionem de quibusdam Codi-
cibus Græcis, qui Clausula O. D. destituantur,
hunc in modum respondet: *Possimus uno ictu ad-*
versarios nostros profligare cum Erasmo, Bellarmino
& Dietenbergero, qui fatentur, nostram pericopam
extare in OMNIBVS Codicibus græcis. Sed his suppe-
tiis opus nondum habemus. Sit ita, epilogum Oratio-
nis dominicæ, secundum testimonium Bezæ deesse in

vetustissimis aliquibus Codicibus græcis, præiudicat tamen illis, ut cum Glassio loquamur, primo concentus reliquorum Codd. græcorum constantissimus. Nec dubium, quin primis quidem temporibus diversitas exemplarium hic fuerit: quæ progressu temporis ita sublata, ut constanter illa in Græcis fuerit retenta, & pro canonica & genuina parte a priscis Patribus agnita. Secundo, quod de suo exemplari Parisiensi, (quod pericopam illam non habet) dicit Brugensis, ad Latina fuisse castigatum, quidni etiam de antiquis Bezae (si qui fuerunt) Codicibus afferi possit. Deinde, ut Jo. Frickii verba nostra faciamus, velit nolit Millius, fateri necessum habet, omnes Codices, quotquot supersunt bonaæ notæ atque eximiæ vetustatis, Vaticanos, Erasmianos, Parisienses, Alexandrinum, Cæsareum, & quos non? exhibere nobis coronidem O. D. Doxologiam. Neque est, quod obiiciat nobis Codicem unum Rob. Stephani, ut & Cantabrigiensem, in quibus non reperiatur. Tot enim extant utriusque horum Codd. lectiones corruptæ, & ad Latinam editionem perperam immutatae, tot itidem interpolationes ac detractiones, ut inter bonaæ notæ Codices duos istos referre omnino fas non sit, judice ipsomet Millio, qui fuse vitia eorundem enumerat. Tædet me singula, quæ hic temere ac præter rationem dicta sunt, arguere: Prætermittere tamen non possum, quominus unam alteramque Osiandri hallucinationem obelo configam. Et primo quidem miror, qui ausit ad ERASMUM provocare, cum de omnium Græcorum Codd. consensu quæstio est: quasi Erasmus omnes Græcos Codd. inspicerit, aut quum in universum loquitur, alios intelligat, quam ad quos editiones suas se recognovisse ipse satetur. Quæ vero Bellarmini aut Dietenbergeri in hac quæstione possit esse

esse auctoritas, ego quidem non intelligo, quāquam se his præsidiis uno ictu omnes adversariorum copias profligare posse confidenter iactitet. Deinde quum ad consensum omnium, quotquot supersunt bonæ notæ & eximiæ vetustatis Codicūm provocat, abiecius quam par est sentire videtur de cæteris, qui Clausulam non exhibent, Codicibus; quibus præter eos, quos h. l. enumerauit, alios non minoris commatis & pretii adiucere potuisset: Adhæc non assequor qua fronte potuerit inter eos Codices, qui O. D. Clausulam præferant, recensere etiam *Alexandrinum*, qui tamen in Matthæo usque ad Capitis XXV. v. 6. hæc verba ἐξερχεθε εἰς ἀπάντησιν ἀντοῦ, mutilus est. Denique nec illud silentio prætereundum est, longe aliam esse huius varietatis in MSS. Codicibus rationem, quam ceterarum omnium, etiam ubi de additamento suspectus est aliquis locus: etenim si sumamus hanc Clausulam O. D. ab ipso Domino fuisse dictatam; non facile concipi potest, qui accidere potuerit, ut vel negligentissimus librarius in describenda hac precum formula, quæ quotidiano usu ita familiaris omnibus erat, ut ne quidem oscitantes in ea recitanda aberrarent, eius Clausulam omitteret, neque errorrem statim animadverteret; multo minus, quomodo error iste semel admissus in alios deinceps Codices potuerit propagari.

Cæterum quanquam Lucæ silentium seorsim spectatum Clausulæ illius apud Matthæum γνωστότερα non directe confellat; siquidem usitatissimum est, unum Evangelistam interdum silentio præterire, quod alter sua narratione explicat: Negari tamen

non potest, ubi semel Clausulæ illius apud Matthæum fides suspecta ac dubia esse cœpit, hoc Lucæ silentio eam suspicionem multum omnino confirmari & maiorem probabilitatis gradum acquirere. Non potest enim non insolitum videri: Christum Dominum quo tempore in sermone publico hoc argumentum attigisset, concioni populi ultro eam precum formulam præcepisse, cui adiecta fuerit Δοξολογία: mox vero deinde, quum a Discipulorum quodam esset rogatus: Κύριε, δέκτε ἡμᾶς προσεύχεσθαι, καθὼς τὴν Ἰωάννην ἐδίδαξε τὸν μαθητὰς αὐτοῦ: eandem illum formulam, sed parte aliqua mutilam & Δοξολογία destitutam tradidisse: Cui non probabilius esse videtur, si quidem alterutro loco omitti potuerit, apud Matthæum potius sive omissam, apud Lucam contra additam istam Doxologiam? ut nimirum Discipuli haberent formulam quam sequerentur, quæ nulla parte manca esset. Et profecto levissimæ sunt ac nullius fere momenti rationes, quibus hoc Lucæ silentium excusare volunt plerique, qui Δοξολογίav illam apud Matthæum a Domino profectam sibi persuadent: GUALTHERUS Homil. XCIII. in Matth. p. 219. b. *Non autem moveat aliquem, quod Lucas hanc partem omiserit. Huic enim satis fuit docere, quis invocari, & quid peti debeat. Et sic inter Evangelistas Spiritus S. operas distribuit, ut alii alios illustrent.* Cui vero huiusmodi responsio possit satisfacere? non enim quæritur de certo aliquo facto, aut facti illius hac vel illa circumstantia, qnæ ab uno Evangelista fuerit diserte exposita, ab alio vero silentio præterita: In his rebus omnino sapientem operarum distributionem inter Evangelistas pro ratione allegari posse, concedimus

mus. Neque de omissione aliqua a Luca facta quæstio est : Sed poscimus rationes , quas oportet fuisse gravissimas , ob quas ipse Dominus , quem altera vice Discipulis rogantibus eandem precum formulam impertiisset , eam non integrari , sed omissa $\Delta\circ\xi\omega\nu\gamma\iota\alpha$ tradiderit ? Jam vero ad hanc quæstionem nihil pertinet sapiens illa inter Evangelistas operarum distributio. Neque etiam ad solvendum isthoc dubium quicquam facit , cum dicunt , Lucæ , aut potius Domino , satis fuisse docere ; Quis invocari & quid peti debeat ? Quidni enim Domino & priore illa occasione a Matthæo commemorata satis fuerit hoc ipsum docere ? quod si sumatur , adinodum proclive est colligere , hanc Clausulam esse merum additamentum. Sed aliam rationem commentus est , qua possit huic dubio satisfieri , Celeb. LIGTFOOTUS , quam Cl. SAUBERTI verbis ex *Dissert. de Precib. Hebr.* §. XI. p. 127. referam : Primo apud Matthæum Christus inter differendum in monte illam orationis formulam discipulis ultro tradidit , cum a nemine esset rogatus : eamque cum gemina adiecta Clausula , quæ utraque cæteroquin publicarum Precum erat. Igitur & illam Oratiunculam publicam esse credebant Discipuli : & nihilominus aliquam , qua privatim uti possent , a magistro suo more gentis edoceri flagitabant : Cum id sollempne fuerit , ut Rabbini seu Doctores precum privatarum formulas ex suo ingenio formaverint , suisque postea Thalmidhim seu discipulis tradiderint. Itaque post solidum fere sesquiannum , incertum quo loco , altera vice adeunt Christum discipuli , non docentem & concionantem plebi , sed postquam vacasset precibus , enixe petentes , ut doceat ipsos orare , sicut & Joannes docuit discipulos suos , b. e. formulam quandam prectionis , qua

privatum possent uti. Ibi Christus repetit formulam illam, quam ante sesquiannum inculcaverat, omissa tamen duplice coronide, quae publicum sapiebat usum, ne discipuli amplius errarent. Quis autem sibi poterit persuadere, Christum præcepta illa apud Matthæum precandi formula voluisse publicam Ecclesiæ Liturgiam castigare; quum satis constet Dominum hac in parte sece usui inter Judæos formulisque in cultu publico receptis accommodasse: quumque ipse Saubertus fateatur, publicas preces nonnisi auctoritate publica fuisse confectas ac communi Ecclesiæ consensu receptas? Vel etiam Discipulos cæteramque populi turbam in eam opinionem adduci potuisse, quasi Christus præscriptam hanc formulam publico tantum usui destinasset, quum e v. 6. Cap. VI. Matth. clarissimum sit, ipsi de precibus privatim & in secessu usurpandis ac peragendis sermonem fuisse? Quin potius si tale quid respexisset Dominus, prorsus omittenda fuerat apud Matthæum duplex hæc Clausula, quia novaret in publico precum exercitio, quamvis nihil diserte ea de re præcipiteret, hæc Antiphona post singulas preces finitas a populo reddi, easque his formulis quasi obsignari. Et quoniam apud Judæos in privatarum precum usu Δοξολογία hæc nunquam fuerit adhibita, nulla idonea dari potest ratio, quamobrem Dominus apud Matthæum eam adiectam voluerit, si quidem, quod ipsi volunt, Judæos hac in re fuerit imitatus.

Plura non addo, nisi hoc unum, quod præclare a quodam monitum deprehendo: Ex omnibus dotibus, quæ in his, qui sece ad Crisim Lectionum N. T. accingunt, requiruntur, longe præcipuum locum
sibi

sibi vindicat Candor, b. e. studium veri simplex & re-
 etum, animusque ab omni studio partium alienissimus.
 Nemo certe aliis diiudicandis Lectionibus atque aestiman-
 dis singulis idoneus erit, nisi cui persuasum fuerit, non
 id agi, ut suarum partium Doctrinam confirmet, sed
 ut verissimam Lectionem eruat, Codicibus MSS. Pa-
 trumque testimonii & ceteris criteriis comprobata. Haud facile animus verum pervidet, ubi vincendi cupi-
 ditas officit, ac plerique haud difficulter sibi persuadent,
 eam omnino Lectionem optimam esse, quam optimam ha-
 berri vellent.



NO-